

**Kiŋwakti ki Bəəl ki kəmsini kə wi ni  
nyaka i kijunni ki  
Tesalonika  
Gia yə yi kə i Kiŋwakti ki  
kəmsini ki Tesalonika kələ mə**

Na si Bəəl ni nyaka kiŋwakti kininshin i bəni bə bumni i Tesalonika a bə nūmki alə nyiki kəm bə jəbi wə Jisəs bi fiəni dzəki yein, mfi bibə ni baan ka shakyiki kəm gia yiwə. Bəəl ka nyaka kiŋwakti kikəmsini kələ i dzaka kəm si bəni bədəkə kwakaki a chəkə bi Bah bi dzəni dzə lə. Wi ni nani kiŋkwaka kələ chusi a, ka ndzə wi Klistus bi dzəki di, num gia yichu bəh yi gumini bi du tsə num duni.

**Kifwu ki gia kə ki kə i Kiŋwakti kələ mə**

1:1-2 Kin'yisi

1:3-12 Bəəl kəksi ka chu təbi kijunni ki bəni bə bumni

2:1-17 Ntəfi kəm ndzə wi Klistus

3:1-15 Ntəfi kəm nəni ki bəni bə bə kə bə Klistus

3:16-18 Kiŋgəksi

<sup>1</sup> Akə mih Bəəl, mih kə buku Silas bəh Timəti. Mih nyakaki kiŋwakti kələ i kijunni ki bəni bə bumni i kwili wi Tesalonika bə bə chinni num bəh Nyə wə wi kə Tii wibukumbəin bəh Bah Jisəs Klistus.

<sup>2</sup> Ma shəm yindzəŋni bəh kimbəinni ki Nyə Tii wibukumbəin bəh Bah Jisəs Klistus nūmki bəh mbəin.

*Nsaka wə wi bi numki i jəbi wə Klistus bi fiəni dzəki*

<sup>3</sup> Bwa bə nih bəbuku, buku kaŋaki i nyâki kiyəŋni i Nyɔ jəbi wichi kəm mbeinj. Yi kə chəŋ yakadəinj, kəm kimbum kimbəinj kəɔki tsəki a ninshinj ninshinj, kiŋkəŋ kə mi kaŋaki i mi mi kəɔki tsəki tə a ninshinj ninshinj.

<sup>4</sup> Ayakadəinj, buku mwi si ghaŋsi lə gwu kəm mbeinj i bijuŋni bi bəni bə bumni bə Nyɔ bədəkə kintəəŋ. Buku si ghaŋsi kəm nnum wimbəinj wi ndzəŋni, bəh si bəni bwanŋki gvu i mbeinj cheinj, ayaka mbeinj num a i kimbum kimbəinj wə, bəh si mbeinj kaŋaki shóm i bəŋgəkə bə mbeinj yeinjki.

<sup>5</sup> Yələ kə gia yə yi chusiki a Nyɔ bi sakaki bəni i dzəh yi chəŋ wə, ka mbeinj bi numki bəni num mbeinj kpəinj i ŋkuŋ bi Nyɔ wə num mbeinj yeinj bəŋgəkə bələ kəm bi.

<sup>6</sup> Si Nyɔ kə mi wi chəŋ, wi ni chukuli lə ŋgəkə wə bəni nyaki i mbeinj bəh ŋgəkə,

<sup>7</sup> wi ni nya lə jəbi wi wakani i mbeinj bə mbeinj yeinjki ŋgəkə bəh i buku tə. Yələ gia bi numki i jəbi wə Bah Jisəs bi chusiki gvu yi i beinj, wi dzə i ləm wi gbuku wi ghəkəni wə. Wi bi dzəki yakadəinj bəh bəchinda bu bə ləkəli.

<sup>8</sup> Wi bi chukuliki bəni bə bə nəiŋma Nyɔ bəh ŋgəkə, bəh bə bə ka bum dəkə ntum wi ndzəŋni kəm Bah wibukumbəinj Jisəs.

<sup>9</sup> Bə bi kaasiki lə bə, ma bə bi kaŋa ŋgəkə wə wi bi gəksi kə, bə bi gaali bə i Bah wə a bə ma dzə i wi ninshinj bəh i kiŋkəkni ki kimbum wə.

<sup>10</sup> Yələ bi numki i chəkə biə wi bi dzəki ka bəni bə bə kə mbu, bi tumyi bikum i wi, ayaka bəni bəchi bə bə jiə shəm i wi bi numki bəh dzaka ki wəmnəni bəh wi. Ayaka mbeinj tə bi numki lə bəh bə kəm mbeinj nī bum gia yə buku nī fukuki i mbeinj.

<sup>11</sup> Akɔ gia yə buku tsaki i mbeinj jɔbi wichi a Nyɔ wibuku fɛ ma mbeinj nɔmki mbeinj kpɛinj i ŋkaini bəni bə wi bɔɔŋ a mbeinj numki. Buku tsaki tɔ a wi gɔmti mbeinj bəh ŋga bi, a mbeinj fɛ gia yindzɔŋni yichi yə mbeinj nainki bəh nɔm wichi wə mbeinj fəki kɔm shɔm yə mbeinj jiə i Klistus wə.

<sup>12</sup> Buku tsaki yakadain tɔ ka yeli wi Bah wibukumbɛinj wə Jisɔs, kɔŋaki kinɔksi i mbeinj kintɔɔŋ, mbeinj tɔ kaŋa kinɔksi i wi wə. Yɔlɔ kɔ kɔm shɔm yindzɔŋni yə Nyɔ wibukumbɛinj bəh Bah Jisɔs Klistus kaŋaki i mbeinj wə.

## 2

### *Kɔm mi wə wi bwinɔki bənchi bə Nyɔ*

<sup>1</sup> Bwa bə nih bəbuku, yə yi kɔ kɔm bə ndzɔ wi Bah wibukumbɛinj wə Jisɔs Klistus bəh si bukumbɛinj bi chinɔni juŋni tsɔ num bəh wi, buku tsaki mbeinj a,

<sup>2</sup> kiə mfi ma chinɔ dzɔ shɔkyi mbeinj nabə a mbeinj i fɔmniki,\* a mbeinj wəkɔ ndzaka widəkɔ i Kin'waka kidəkɔ, nabə a, ndzaka, nabə a buku nyaka kinɔwakti a ndzɔ wi Bah dzɔ lɔ di.

<sup>3</sup> Kiə mbeinj bi ma bɛe a mi widəkɔ bi fwɔkyi mbeinj kɔŋ a numki na i yi nainɔ dzɔh wə. Mbeinj kɔkɔ a chəkɔ bi Bah bi dzɔni biə bi dzɔ kɔ di, maka bəni yisi i ləkɔki bəh fwu i Nyɔ. Ayaka maka mi wə wi bwinɔki bənchi bəh Nyɔ dzɔ tumbuku. Akɔ wi wə bə bi kaasiki wi kaasini.

<sup>4</sup> A num wi wə wi bi kɔksiki gwu yi wali na finə fiə bə dzɔki a, akɔ Nyɔ nabə fiə bə tsaki. Ayakadain, wi bi tsɔ liə shi num i juŋ yi fəni yi gia yi Nyɔ wə ka bi bɔɔŋki gwu yi a ŋgainɔ kɔ Nyɔ.

\* **2:2** Nabə a, təkəli i mfi mbeinj,

<sup>5</sup> Mbeinɔ dali lə a jɔbi wə bukumbɛinɔ nɪ kə, mih nɪ fukuki lə gia yələ i mbeinɔ a?

<sup>6</sup> Mbeinɔ si kiə lə gia yə yi kanɔaki wi i liə, ka wi dza tumbuku i jɔbi wə bə jiə i wi.

<sup>7</sup> Wi si nɔm i liə bəh nɔga bi i nyumi wə i fəki a bəni waliki bənchi bə Nyɔ, yi num alə a mi wə wi kənki wi kanɔaki i bi kənki i tsə buku i jɔbi wə bə bi dzɔ bwili wi i dzəh.

<sup>8</sup> Jɔbi wə bə bi dzɔ bwiliki wi, mi wə wi bwinɔki bənchi bə Nyɔ bi ka tumbuku, Bah Jisəs bi ka fəkə wi bəh fiəkə yi dzaka, chiksi wi bəh bainɔni bi biə wi bi dzəki bəh bi.

<sup>9</sup> Mi wə wi bwinɔki bənchi bi dzəki i nɔga bi Satan wə, wi kanɔ nɔga bichi, fə bənchəsi bə bə chusiki nɔga bi bəh gia yi dzaka ki wəmni a num yi ntəkə yichi.

<sup>10</sup> Ayaka wi bi dzəki tə bəh na bə binainɔ chu i fwəkyi bəni bə bə lakaki. Bə lakaki kəm bə nainɔma i kənki nɔkən ka bə bi bəinɔ.

<sup>11</sup> Si bə kənki kə nɔkən yakadəinɔ, Nyɔ chinɔsi nɔga bidəkə bi fwəkyi bə, ka bə bum i gia yə yi kə yi ntəkə.

<sup>12</sup> Nyɔ fə yakadəinɔ ka bə bəchi bi gbə nsaka bə bə ka bum dəkə gia yi nɔkən, bə sanli a fəki fibə gia yə yi kəkə chənɔ.

### *Nyɔ nɪ sabibwili mbeinɔ i bəinɔsi mbeinɔ*

<sup>13</sup> Ayakalə, bwa bə nih bəbukuku bə Bah kənki na bindzənɔ, buku kanɔaki a nyaki kiyənɔni i Nyɔ jɔbi wichi kəm mbeinɔ, kəm Nyɔ nɪ kə wi sabibwili lə mbeinɔ i kin'yisi wə i bi bəinɔsi mbeinɔ tsə dzəh i nɔm wə Kin'waka ki Bainɔni fə a mbeinɔ bainɔki, bəh i kimbum kə mbeinɔ bum gia yi nɔkən.

14 Wi ni bəəŋ mbeinj yaka tsə dzəh i ntum wi ndzəŋni wə buku ni fuku, ka mbeinj bi dzə kwati i mbum bi Bah wibukumbeinj wə Jisəs Klistus.

15 Ayakadəinj, bwa bə nih bəbuku, mbeinj nŋm ndzəŋ, kwāti nəni kə buku ni lani mbeinj yeinj, kəŋ a numki yə buku ni lani mbeinj yeinj i ndzaka wə, nabə yə buku ni nyaka num nyakani i mbeinj.

16 Ma Bah wibukumbeinj wə Jisəs Klistus mwi bəh Nyə Tii wibukumbeinj wə wi ni kəŋki bukumbeinj shiliki shóm yibukumbeinj jəbi wichi, chu nya bukumbeinj bəh gia yindzəŋni yə bukumbeinj tseinjki tsəki a ninshinj kəm shəm yi yindzəŋni.

17 Ma wi shŋli shóm yimbeinj, fə yi ləkəki i nəm wi ndzəŋni wichi wə mbeinj fəki bəh i gia yichi yə mbeinj dzakaki.

### 3

#### *Bəəl tsa a bəni bə bumni tsāki i bə*

1 I ŋkaasi wə, bwa bə nih bəbuku, mbeinj tsāki i buku. Mbeinj tsāki a gia yi Bah kəmsiki wəŋki tsāki i ninshinj ka bəni kəksiki gia yiwə asi mbeinj ni fəki.

2 Mbeinj tsāki tə a buku ma gbəyi i kaŋ yi bəni bə bə kaŋaki shóm yichu fə gia yichu, kəm a kəkə bəni bəchi bə bə kaŋaki kimbun.

3 Ayakalə, Bah si shi num a ja yi wə. Wi ni nya lə mbeinj bəh ŋga, chu kəŋ mbeinj ka mbeinj ma ni gbə i kaŋ yi mi wichu wə.

4 Bah fə buku jə mfi bi buku i mbeinj a mbeinj si fə lə gia yə buku dzakaki i mbeinj, mbeinj num i ni baəŋ a fəki.

<sup>5</sup> Ayakadæiŋ, buku tsaki a Bah jîa shóm yimbeiŋ a yi numki bæh kiŋkøŋ ki Nyə, chu fê a mbeiŋ nûmki bæh ŋkâŋa wi shəm asi Klistus nî kaŋaki.

*Mi kaŋaki i nômki ka wi dziki*

<sup>6</sup> Bwa bæ nih bæbuku, buku dzakaki yələ i mbeiŋ i yeli wi Bah wibukumbeiŋ wə Jisəs Klistus, a mbeiŋ ma kômsiki i bwa bæ nih bæbukumbeiŋ bə bə shi kə a kilələ ayaka chu biəli kə nəni kə buku nî lani mbeiŋ yeiŋ.

<sup>7</sup> Mih dzakaki yələ, kəm mbeiŋ mwi kiəki læ dzəh yə mbeiŋ kaŋaki i biəliki nəni kibuku yeiŋ. Buku nî ka chiŋ num dəkə kilələ i jəbi wə bukumbeiŋ nî kə.

<sup>8</sup> Buku nî ka dzi dəkə fiŋ fi mi maka buku gəm. Buku nî nəmki bəŋ nchəkə bæh nshi ka buku ma ni jiə ntia widəkə i mbeiŋ wə.

<sup>9</sup> Buku nî fəki kə yaka, a məŋ dəkə di bi buku, i bikəki fiŋ fidəkə i mbeiŋ. A nî kə i chusi mfə wibuku i mbeiŋ ka mbeiŋ biəliki.

<sup>10</sup> Mbeiŋ kiəki læ jəbi wə bukumbeiŋ nî kə buku nî nya nchi wələ i mbeiŋ a, “Mi ka nəiŋ a ŋgaiŋ nəmki kə, mbeiŋ ma nyá wi bæh fiŋ fidzini.”

<sup>11</sup> Mih dzakaki yələ læ kəm buku wəkəki a mbeiŋ bədəkə shiki a kilələ nəm kə, nyani ləkə n'ya dzaka i gia yi bəni bədəkə wə.

<sup>12</sup> Bəmaka bəni kə buku dzakaki num dzakani i bə chu tsa i yeli wi Bah Jisəs Klistus wə a bə nûm kuku bə nômki i kwati fiŋ fiə bə kə i dziki.

<sup>13</sup> I mbeiŋ, kiə mbeiŋ ki bəh kə bwa bæ nih bæbuku, i fəki gia yindzəŋni.

<sup>14</sup> Mi ka nəiŋ i wəkə gia yə buku dzaka i kiŋwakti kələ mə, mbeiŋ keiŋsi tsəiŋ ndzəŋ wi. Kiə mbeiŋ ki

kâŋaki kə gia yidəkə i fê bəh wəmaka, ka wi numki bəh kiŋgəmni.

<sup>15</sup> Ayakalə, kiə mbeiŋ ki dzô kə wi ka mbaiŋŋni wimbəiŋ. Mbeiŋ kaŋaki i têfiki wi təfɪni ka waiŋnih wimbəiŋ.

*Kimbəni kigəksini*

<sup>16</sup> Bah wə wi kə wi kimbəiŋni nyâ mbeiŋ bəh kimbəiŋni i jəbi wichi wə bəh i dzəh yichi wə. Ma Bah nŋmki bəh mbeiŋ bəchi.

<sup>17</sup> Mih Bəəl nyakaki kimbəni kələ bəh kaŋ yin. Kələ kə kinchəsi kəŋŋ i biŋwakti biŋ bichi. A num ayaka si mih si nyaka.

<sup>18</sup> Ma shəm yindzəŋni yi Bah wibukumbəiŋ Jisəs Klistus nŋmki bəh mbeiŋ bəchi.

**Kinwakti ki Nyɔ Minƙaiŋ Mifian  
Chungmboko: Kinwakti ki Nyɔ Minƙaiŋ Mifian (New  
Testament+) for Cameroon**

copyright © 2021 Wycliffe Bible Translators, Inc.

Language: Chung (Cung)

Contributor: Wycliffe Bible Translators, Inc.

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-01

---

PDF generated using Haiola and XeLaTeX on 22 Dec 2025 from source files dated 1 May 2025

ff8b447d-0e78-5782-840d-48c27035a093